



# A COMPAGNA

DICTIS FACTA RESPONDENT

BOLLETTINO TRIMESTRALE, OMAGGIO AI SOCI - SPED. IN A.P. - 45% - ART. 2 COMMA 20/B LEGGE 662/96 - GENOVA  
Anno LII, N.S. - N. 2 - Aprile - Giugno 2020

Iscr. R.O.C. n. 25807 - Tariffa R.O.C.: "Poste Italiane S.p.A. - Sped. in Abb.to Postale - D.L. 353/2003 (conv. in L. 27/02/2004 n. 46) art. 1 comma 1, DCB Genova"


sito internet: [www.acompagna.org](http://www.acompagna.org) - posta@[acompagna.org](mailto:acompagna.org) - tel. 010 2469925

## in questo numero:

Franco Bampi <i>Quello diao do Coronn-a viro...</i>	p. 1	Francesca Di Caprio Francia <i>Galleria di donne genovesi del passato</i>	p. 22
<i>Elezioni cariche sociali per il doppio biennio 2020-2023</i>	» 2	Piero Bordo <i>Rocca Mâia e dintorni</i>	» 27
Marco Corzetto <i>Il verde cittadino, i nostri profumi</i>	» 3	Isabella Descalzo <i>A Croxe de San Zôrzo</i>	» 30
<i>A Compagna adotta un documento</i>	» 6	<i>Libbri riçevui</i>	» 32
Alessandro Pellerano <i>Vino, osti e bevitori nell'Albaro tra Settecento e Ottocento</i>	» 8	<i>Incontro vecchi amici di San Rocco</i>	» 36
Francesco Pittaluga <i>Scagni e carrette: gli imprenditori portuali genovesi a cavallo fra Otto e Novecento</i>	» 14	Romeo Repetto <i>Prescinseua, un alimento prettamente ligure</i>	» 37
<i>Premi e menzioni speciali 2020</i>	» 19	Maurizio Daccà <i>Vitta do Sodalissio</i>	» 38
Alessandro Pellegrini <i>Schiavi canari a Genova</i>	» 20	<i>Comunicazioni</i>	» 40

## QUELLO DIAO DO CORONN-A VIRO...

di Franco Bampi



Se me l'æsan dito solo in pâ de meixi fa mi no gh'aviaè creduo! E son convinto che tutti viatri che lezei ste mæ paròlle no gh'aviesci creduo. Ma òrmai questa conscideraçion a no serve ciù a ninte: quello còsetin coscì picin che manco se l'inmaginemmo, o coscì dito Coronn-a Viro, o n'â seròu tutti in caza (*arresti domiciliari!*) e chisâ quande poriemmo sciortî.

L'é ciæo che questa sitoaçion d'emergenza viro a l'é anæta a incidde in sciâ programaçion de tutte e atività da Compagna. Quindi emmo comensòu co-o sospende e atività da setemmann-a do 24 de frevâ, inta speransa de poei ripigiâ a setemmann-a dòppo. Ma e cöse an giòu in sciò pezo. Pe

questo semmo stæti costreiti a sospende e atività finna a-o 3 d'arvî.

E pöi l'é arivòu l'ordinansa ch'a ne vieta de sciortî de caza levòu in caxi stabilîi da-a mæxima ordinansa segoia da atre ordinanse senpre ciù restrittive. Coscì l'é vegnuo ciæo che no se poeiva ciù stâ li a zinzanâse da 'na setemmann-a a l'atra, ma che bezugnava pigiâ 'na decixon 'na vòtta pe tutte saiva a dî da chi a-a meità de zugno, quande e varie atività da Compagna se saieivan arestæ pe-a fin da programaçion.

Ma gh'ea ancon in problema: o 9 de mazzo a l'ea a dæta fisâ pe-o Parlamento e pe-e eleçioin pò-u reneuvo de careghe sociali, comme za scritto into Boletin de zenâ dove se illustrava e modalitæ pe-a prezentaçion de candidatue. Cöse fa? Ben, se saieiva dovuo rimandâ anche e eleçioin. Arivæ donque a-o ponto de dovei sospende tutto, mercoledì 25 de marzo (o giorno de l'Anonciacion, quande do 1637 a Madònna a l'é stæta proclamâ Reginn-a de Zena) emmo mandòu o comunicato che riportemmo chi.